

Armanak Askara

edo



Iberouko Egunaria

1895 gerren ourtheko

Jinkoa eta Herria !

Zuhurtarzuna eta lana !

Eta bizi bethi Uskalduna !

Iao ! Iao !

I-a-a-a-a-o-o-o-o-o-o !

SALTZEN DA

Maolen

DETCHEVERRY enian

Atharratzen

CAUTURE enian.
MENDIONDO-SANTZENIAN

Prezioa : BI SOS

BEGITHARTE HORIEK :

- Ⓐ erran nabi da : Estiapen haste *edo* argigazi oso.
Ⓑ " Argigazi azken laordena.
Ⓒ " Gorapen haste *edo* argigazi berri.
Ⓓ " Argigazi lehen laordena.
-

OURTHEKO BESTA KHANBIAKORRAK :

SETUAJESIMO, *baranthalailako 10^{an}*; — HAOSTE, *baranthalailako 27^{an}*; — BAZKO, *jorrailako 14^{an}*; — ERROGAZIONIAK, *maiatzeko 20^{an}, 21^{an} eta 22^{an}*; — SALBATORE, *maiatzeko 23^{an}*; — PHENTERKOSTE, *arramaiatzeko 2^{an}*; — BESTABERRI, *arramaiatzeko 13^{an}*; — ABENTUKO LEHEN IGANTIA, *abentu 1ⁿ*.

LAOR THENPORAK :

Martchoko 6 ⁿ , 8 ⁿ eta 9 ⁿ .	{	Buruilako 18 ⁿ , 20 ⁿ eta 21 ⁿ .
Arramaiatzeko 5 ⁿ , 7 ⁿ eta 8 ⁿ .		Abentuko 18 ⁿ , 20 ⁿ eta 21 ⁿ .

EKHI ETA ARGIZAGI ULHUNTZIAK :

Argizagi ulhuntze osoa martchoko 20^{an}; ikhousiren da Uska Herrian. — Ekhi ulhuntze phartezkoa martchoko 25ⁿ; ezta ikhousiren Uskal-Herrian. — Ekhi ulhuntze phartezkoa, agorrilako 14^{an}; ezta ikhousiren Uskal-Herrian. — Argizagi ulhuntze osoa, buruilako 4^{an}; pharte ikhousiren da Uskal-Herrian. — Ekhi ulhuntze phartezkoa, buruilako 18^{an}; ezta ikhousiren Uskal-Herrian.






HANITCH KHASU HOUNI



ZIBEROUKO armanaka eginik da bi kartillaz algarreki josirik. Lehena, mehe mehia, hamabi hilabeteren egunaria dena, ourthiaren urhentzian berheztekoa da nahidenaren egiteko. Bigerren kartilla edo phartia, mintzo dena istoriaz, aholku hounez laboriarentako, errezetaz, etc., harek ourthe oroz behar du begiratu arrankurareki. Hollak markaturik dutu bost ourthez arrount. Bigerren arraldia, 1893^{an} hasirik, bi ourtheren burian urhentzekoa da.



ERRAN ZAHAR



Adichkide gabe biziden aberatsa
Pikatietan lo'giten datsa.

Aharaosi usia gose edo lo mezia.

Ahoa debilano, sabela botz.

Aita bilzaliari, seme barreiari.

Alhaba ezkont ezak nahi denian,
Semia ordu denian.

Amaizuna eztizkoa ere ezta houna.

Ardia ahuntzari ilhe eske.

Arrotza bekhaitz arrotzari.


Arrotzak ez lan daidik, ez deraidik.

Azen petik zopak jan'tu.

Atzekoaren behiak erroa handi.



KHANTORE



I.

Oihaneko zuhagnetan
eder zuhagnik gorena :
Eropako populietan
aiphaturik Uskalduna.
Houra da zaharrena,
Kantabriaren semia,
Lorious bere mendietan,
bethi libre izan dena.

2.

Leheneko Uskaldunari
otsa zaio baratu ;
Fidel zela Herriari
eta legetan argitu.
Houra izan da gerlari,
usu odolak ichouri ;
Fideltarzuna etcheki
eta legia hareki.

3.

Haritchpiala bildurik
Uskal Herri orotarik
Han legia eginik
bakotchak botzak emanik.....
Orai ezta biltzarrenik
ez eta ere legerik :
Fideltarzuna galdurik
eta legia saldurik !



OURTHARILA

Egunak luzatzen dira oren batez.



- ⌚ l.l. 4ⁿ, goizanko 8^{or}. eta 2^{min}
 ☺ a.o. 11ⁿ, goizanko 6^{or}. eta 59^{min}
 ☺ a.l. 17ⁿ, arratseko 11^{or}. eta 5^{min}
 ☺ a.b. 25ⁿ, arratseko 9^{or} eta 35^{min}

BARANTHAILA

Eg. luzatzen dira oren 1 eta erdiz.



- ⌚ l.l. 3ⁿ, gaiherdi eta 26^{min}
 ☺ a.o. 9ⁿ, arrastiriko 5^{or} eta 32^{min}
 ☺ a.l. 16ⁿ, arrastiriko oren 1 eta 18^{min}
 ☺ a.b. 24ⁿ, arrastiriko 4^{or} eta 53^{min}

1 Asteharte.	ZIRKONZISION.	1 Ostirale.	s. Iñazio.
2 Astizken.	s. Makaire.	2 Neskanegun.	KHANDERALLU
3 Ostegun.	s ^a Jenevieve.	3 Igante.	s. Blasi.
4 Ostirale.	s ^a Fausta.	4 Astelehen.	s ^a Jana, Val.
5 Neskanegun.	s ^a Amelia.	5 Asteharte.	s ^a Agata.
6 Igante.	APHARIZIO.	6 Astizken.	s. Aman.
7 Astelehen.	s ^a Melania.	7 Ostegun.	s. Romual.
8 Asteharte.	s. Luzien.	8 Ostirale.	s. Johane Mat.
9 Astizken.	s. Julien.	9 Neskanegun.	s ^a Apolina.
10 Ostegun.	s. Marzien.	10 Igante.	Setuajesimo.
11 Ostirale.	s. Teodoso.	11 Astelehen.	A. B. Lourdakoa.
12 Neskanegun.	s ^a Tazienna.	12 Asteharte.	s. Tita.
13 Igante.	s. Leonze.	13 Astizken.	s. Gilbert.
14 Astelehen.	s ^a Hilera.	14 Ostegun.	s. Valentí.
15 Asteharte.	s. Phaole, erm.	15 Ostirale.	s. Fausti.
16 Astizken.	s. Marzel.	16 Neskanegun.	s ^a Julienna.
17 Ostegun.	s. Antoni.	17 Igante.	Setuajesimo.
18 Ostirale.	J. Phetir. Err. Jartia	18 Astelehen.	s. Flavien.
19 Neskanegun.	s. Kanut.	19 Asteharte.	s. Konrad.
20 Igante.	s. Fabien eta Sebast.	20 Astizken.	s. Eucher.
21 Astelehen.	s ^a Añes.	21 Ostegun.	s. Pepeñ.
22 Asteharte.	s. Bizente.	22 Ostirale.	J. Phetir. Ant. Jart.
23 Astizken.	A. B. Ezkontz	23 Neskanegun.	s. Petiri Damí.
24 Ostegun.	s. Timote.	24 Igante.	Kinkajesimo.
25 Ostirale.	J. Phaoler kon.	25 Astelehen.	J. MATHIAS, ap.
26 Neskanegun.	s. Polikarpe.	26 Asteharte.	s. Zezaire.
27 Igante.	s. Johane Kris.	27 Astizken.	HAOSTE
28 Astelehen.	s. Amadeo.	28 Ostegun.	s. Rufi.
29 Asteharte.	s. Franz. Sal.		
30 Astizken.	s ^a Martina.		
31 Ostegun.	s. Petiri Nol.		

MARTCHOA edo OSTAROA

Egunak luzatzen dira 2 orenez.



⌚ l. l. 4ⁿ, eguerdi eta 50^m.

⌚ a. o. 11ⁿ, goizanko 3^{or} eta 47^m.

⌚ a. l. 18ⁿ, goizanko 5^{or} eta 41^m.

⌚ a. b. 26ⁿ, goizanko 10^{or} eta 34^m.

APHIRILA edo JORRAILA

Eg. luzatzen dira oren 1 eta erdiz.



⌚ l. l. 2ⁿ, arratseko 9^{or} eta 37^m.

⌚ a. o. 9ⁿ, arrastiriko 9^{or} eta 53^m.


⌚ a. l. 16, arratseko 11^{or} eta 32^m.

⌚ a. b. 25ⁿ goizanko 9^{or} eta 20^m.

1 Ostelehen.	s. LEON, Baion.	1 Astelehen.	s. Huges.
2 Neskanegun.	s. Zinplize.	2 Asteharte.	s. Frantzes P.
3 Igante.	GOROZUM. 1 ^a .	3 Astizken.	s ^a Irena.
4 Astelehen.	s. Kasimir.	4 Ostegun.	s. Isidro, Aphk.
5 Asteharte.	s. Luperkule.	5 Ostirale.	s. Bizente Ferr.
6 Astiz. IV.Th.B.	s ^a Koleta.	6 Neskanegun.	s. Sisto.
7 Ostegun.	s. Tomas Akin.	7 Igante.	ERRAMU.
8 Ost. IV.Th.B.	s. Johane Jink.	8 Astelehen	s. Albert.
9 Nesk. IV.Th.B.	s ^a Frantzes.	9 Asteharte.	s. Akazio.
10 Igante.	Gorozum. 2 ^a	10 Astizken.	s. Makari.
11 Astelehen.	s. Konstanti.	11 Ostegun.	Osteg. saintu.
12 Asteharte.	s. Greg. hand.	12 Ostirale.	Ostir. saintu.
13 Astizken.	s ^a Ufrasia.	13 Neskanegun.	Nesh. saintu.
14 Ostegun.	s ^a Matilda.	14 Igante.	BAZKO.
15 Ostirale.	s. Zakaria.	15 Astelehen.	s ^a Anaztasia.
16 Neskanegun.	s. Ziriaka.	16 Asteharte.	s ^a Grazi.
17 Igante.	Gorozum. 3 ^a	17 Astizken.	s. Anizet.
18 Astelehen.	J. Gabriel. ark.	18 Ostegun.	s. Elutero.
19 Asteharte.	s. JUSEF.	19 Ostirale.	s. Leon IX.
20 Astizken.	s. Zirilo.	20 Neskanegun	s. Teotimo.
21 Ostegun.	s. Benedict.	21 Igante. 1.	s. Anzelmo.
22 Ostirale.	s ^a Riktruda.	22 Astelehen.	s. Soter eta Kaio.
23 Neskanegun.	s ^a Pelajia.	23 Asteharte.	s. Jorji.
24 Igante.	Gorozum. 4 ^a .	24 Astizken.	s. Zerazi.
25 Astelehen.	A D. M. ANONTZ.	25 Ostegun.	J. MARK, Eb.
26 Asteharte.	s. Braulio.	26 Ostirale.	se Klet & Marz.
27 Astizken.	s. Johane Lam	27 Neskanegun.	s. Zerazio.
28 Ostegun.	s. Justeñ.	28 Igante. 2.	J. Phaole, K.
29 Ostirale.	s. Pastor.	29 Astelehen.	s. Petiri, m.
30 Neskanegun.	s. Amadeo.	30 Asteharte.	s ^a Katalina.
31 Igante.	PASIONIA.		



AITA SAINTIAREN ERAKASPENAK



Khiristien eginbide gehienak.



HIRISTIAK behar dira agerian eta agoñureki dotrina katolikoari jarraiki, eta hora bere egin ahal oroz ezaguterazi.

Jinkoak ezari zuzenez, pheredikatzeko kargia emanik da jakintsier, erran nahi beita aphezkupier, hourak Espiritu saintiak ezari beitutu Jinkoaren Elizaren gobernazale. Bena emanik da, orotan gainti, Erromako Aita Saintiari, Jesus Kristen ordariari, burzagigoa osoarekin Eliza guzia gobernatzen beitu, eta fedia eta athun hounak begiratzen. Haregatik ezta ouste ukhen behar debetu dela batbederari erakaspen hortan, zerbait ere maneraz, pharte hartzia, berheziki Jinkoak dohaintu dutian gizouner, bester hounki egiteko mengoa dienian.

Beharodia gerthatzen denian, haiek ehiñera har dirokeie, ez dotorren eta jakintsi misionia, bena beraiet ukhen dutien jakitaten bester emaiteko libertatia, holatan naosien erakaspenen arrerraile elibat bezala beitirate. Bestalde batbederaren lagungoa hori hain sori eta ekhoizpeneko eduki du Batikaneko Kontsilioak, noun beraien izenian galthatu beitie Kontsilioko Aitek. Houna zer dioien : « Khiristi fededun guziak, berheziki gehien eta erakasle direnak, othoitzen dutugu, Jesus Kristen izenian eta Salbazale Jinko den horren naosigoaren berthutez, manu ere emaiten deregut, junta ditzen bere gorthura eta indarrak erakas-

pen gezurtien hurrunt erazteko eta Eliza Santa ganik iraizteko. »

Orbit dadila arren batbedera egiazko fedia heda eraz ahal dirokiala, eta behar diala etsenpliaren indarraz, bai eta harek emaiten derizkun manien agerian bethi praktikatzez... Elitzakeie kchristiek bere eginbidiak osoki betha bederazka gudukan aritzez. Hartakoz etzaio aski uduritu Jesus Kristi bere erakaspenen jarraikizale egitia : bena hourak algarreki bildurik, egin du hetzaz khorpitzbat, hora beita Eliza, eta bera haren buria edo naosi gehiena beita. (*Coloss.*, I, 26.)

Jesusek ezari dian botigoa horren egindurak eta lotgarriek eztie ounhartzen ahal den gutieneko aldatze edo khanbiorik ; eta ezta ere haizu batbederari nour bere gisa haren althe gudukatzia ; ezik ere Elizarekin eta Jesus Kristekin bilzen ari eztena, barreiatzen ari da, (S. LUK, XI, 23) eta halakoak Jinkoaren etsaiak dira. Algarreki gogoz eta egitatez juntaturik gudukan aritze horren hanitch beldur dira Erreligion katolikoaren etsaiak ; bena hortako ber chediak behar dutu bihotzeten ukhen.

Zer gorthurarekin eta zer hitz borthitzekin Jaon dona Phaolek batarzun hori gomendatzen zian bere denborako kchristier ! « Ene aorhide maitiak, othoitzen zutiet, Jesus Krist goure Jaonaren izenian, orok ber gaizak erratzie ; ezpiz baitezkarik zien artian, ber gogoak eta ber sendimentiak ukhen itzatzie. »


Zonbat zuhur den manu hori klarki ageri da.

Kchristiek badakie segurka, Elizaganik ukheitez bere sinhestiareng argia, eta hora beren gidari ounhestez, egia badiela. Eta ezten bezala Kristbat baizik, eta harek ezari Elizabat baizik, ezta behar mundian egiazko erakaspenbat baizik, Jinkobat eta sinhestebat baizik. Ber sinhestiak, uthurburu garbi baten anzo, sor erazten dutu ber nahikuntiak eta ber asturak.

Bena sinhestiareng batarzun hori, J. Phaolek man-

hatzen dian bezala, ezinago tink izan behar da, eta nolako nahi izan ditian Jinkoak erakatsi derizkun egiak, behar dutugu oro bardin eta osoki houn hartu : bati sinhestiaren ukhatzia, ororen ukhatzia bezala lizate.

Eliza da Jinkoak erakatsi egien begiraria, eta hari dago haien erakastia eta haien egiazko gogoaren emaitia. Eta Elizan erakasle gehiena eta okherrian ezin ari daitekiena da Aita saintia. Gogo bereko eta sinheste bereko izatiak baderagoka Aita saintiari behatzia eta haren erraner jarraikitia, Jinkoa bera baliz bezala.



JAON ESPONDA, APHEZKUPIA

ASKAL Herriko gizon aiphatienerik izan da Henrik Esponda. Sorthu zen Ziberoko hiri gehienian, Maolen, 1568^{an}. Haren aita Pao-beko khortian kontseller zen eta Erregiña Jana higanaot sobera famatiaren bereter. Bere haorrak batheia erazi zutian Dona Phaleun, eta eraiki erazi bera bezala higanaoten sinheste izunian. Henrik hounen ugazaita izan zen Henrik erregiña Janaren semia, geroan Henrik, izeneko laorgerren, Frantziako errege handia izan bezar zena.

Bazian anaie bat Johane deitzen. Biak handizki esko-latiak izan ziren, bena jakitatian aitzinatu zirenian, gogo chucheneko beitziren, ezagutu zien bide gaichtoan beren aitak ezari zutiela, eta katoliko erreligionialat utzuli ziren. Johanek Homeraren eta Hesiodoren liburiak greketik latinera utzuli zutian, eta agitara ere eman liburu hanitch jakitatezkobat. Azken hortan eraozten dutu eta izun ezaguterazten higanaoten erakaspenak eta erakousten zer arrazou handi uhen dian



erreljione katolikoaren egiazko ezagutzeko eta haratarat utzulzekeo.

Henrik anaiaren urhatser jarraiki zen. Duperron eta Bellarmin kardinale aiphatu eta jakintsiak ziren liburien irakourtziak begiak ireki zeritzen. Ezagutu zian bide gaichtoan zela eta konbertitu. Gizon handiak eta aiphatiak beitziren bi anaie horik, hoiien konbertitziak gaitzu zutian higanaotak. Ordu hartan, Johane galthoe-


tako ikhousle zen (maître des requêtes) Henrik laor-gerrenaren khortian eta erregeren ordari gehien La Rochelle den hiriko gaintian. Henrik jakitate handienko gizonen artian gora etsirik eta aiphaturik zen, eta higanaoten loriabat. Konbertitu ziren bezain sari, higanaotek egin ahalak egin zutien hayen gutiet-serazteko eta laidostatzeko, gorago heltu nahiz konbertitu zirela otsez. Johanek ihardetsi zerien protestanten erakaspener aitzi eta egiazko erreligioniare althe izkiribatu zian liburu sabantaz.

Henrik Erroumarat joan zen ; han bost ourthe eroan zutian ustudiatzen eta liburu izkiribatzen. Baroniis deitzen den izkiribazale aiphatu batek Eliza sain-taren edo khristigoaren istoria argitara eman beitzian hamabigerren mentalano, Henrik Espondak istoria haren segida egin du 1640 gerren ourthialano ; eta ordian Erroman berian apheztu zen.

Haren lan sabantek eta kalitate handiek ekharri zien Louis XIII, Frantziako errege zena, haren Pamier den hirialat igortera aphezkupu. Luzaz etzian ounhetsi nahi ukhen aphezkupugoako karga ouhouragarria, berheziki bere etsaietan eta protestantek elezen ukhen estakuria erraiteko goranahiak zebilala. Bena Urbeñ VIII, ordu hartan bizi zen Aita Saintiak hanitch phe-rechatten beitzian, bortchatu zian aphezkupugoaren hartzera. Bere Pamiereko aphezkuperrian houn handiak egin zutian : hamahirour ehun higanaot beno haboro konberti erazi, aphezgeientako seminarioak erazi, erreligionen komentu eraiki ; egiazko Erreligioniarene ezaguterazteko eta sustengatzeko hanitch obra egin eta dothatu ; Aita Saintien, Erregiaren eta bere aphezkuperriko jenten laidorioak eta maitetar-zuna merechitu. Eta Jinkoaren eta Eliza saintaren loriatako egin ondoan obra handi eta bethi irañen direnak, hil izan zen hirour etan hogeta hamabost ourthetan, merechimentuz betherik, eta ehortzirik izan zen Tolosako eliza gehienian, althare khantian.



ESKOLA KHIRISTIAK



AITA saintiak khiristier bere eginbidetan gañen emaiten dutian erakaspen gorago aiphatietarik ikhousi behar die aita amek zonbat badereikon goizik bere haorrer eman dezen eta sar eraz bihotzeten Jinkoaren maitetarzuna eta beldurra, eta haren lege saintia haier ezaguteraz. Liburu saintiek dioie gaztezaroko asturak sartzen direla ezur hunetarano, jarraikiten gizounari eta eta harekin hobian etzaten. Googa eman beze arren aita amek bere haorrek har eztezen eskola eta astura gaichtorik. Berek aski badakie bere haoren Jinkotiar egitez mundu hountako eta besteko dohatsu edukitzen dutiela, eta bere burier urgaizpen gozoenak eretchekiten.

Oraiko eskoletan ezta haizu ez othoitz egitia ez eta katichimaren erakastia, eta hori legiak hala manhatzen beitu. Ezta ere haizu Jinkoaz mintzatzia, haren izen saintiaren aiphatzia. Eta errejentak, sobera usu agitzen dena, ez legiaren hitzian baratzen. Hanitch ari dira noula erreligioniari jatzarriko diren, haorrer hugunt erazteko ; eta ez ihour ere han errejentaren erakaspen galgarrien gezurtatzeko. Errejenta egonik ere tink legiaren hitzian, zer agituko da ? Haorrak, behin ere ez entzutez Jinkoaz mintzatzen, eztu ezaguturen behar bezala. Aphezak eginen du, bai, katichima astian behin, berrian ere behar bada, oren batez aldian. Baduke haorrak, bi oren haietarik kanpo, katichimatik ikhasi dutianen ahazteko artia.

Hartakoz hanitch herritan eraiki dutie, eta eraikiten orano, eskola khiristiak, haorrer behar diren jakitate eta ezagutzen emaiteko, fediaren galzeko menik gabe. Haoche agitzen da herri haietan : zounbat nahi guti elizatiar izanik ere, eta Frantzia beherian erreligionia

zinez tchipiturik da, aita ama haboroek nahiago dutie haorrak igorri eskola khristietarat eziaz eta bestetarat. Edireiten die, berak hotz izanik ere erreligionaren eretzian, haorrentako houn dela, eta hourak hobeki eskolatzen eta eraikiten dutiela eskola khristietan.

Goberniak egin erazi du orai berri eskoletan dabilzan haoren khountia igaran ourtheko. Khountu hortarik ageri da aitzineko ourthian beno gutiago bazela eskola guzientako boti bi mila haor ; bena gobernuko eskolek galdu diela bost mila haor, *eskola khristiek aitzineko ourthian beno haboro bazien aldiz hogei-tabost mila*. Zounbait eretzetan hain dirade herturik gobernuko eskolak ezpeitie hamar haorrik ere, eta direnakin errejent edo kargulantenak.

Horra arren zer agitzen den eskola khristiak diren herrieta ; eskola hourak bethi goorentzez badoatza, goberniak berak gorda ez dirokiana. Uskal Herrian ere egin die zounbait, eta khristioguzien eginbidia da haien sustengatzia, bakhoitzak bere ahalaren arao, eta gehienik haitara nourn bere haoren igortez, adinetan direnian. Hanitch lekhutan goberniak, ezpeitzaio batere lakhet bere eskolen hutsik ikhoustia, manhatu du errejent eta errejents erhoitzak egin eraz ditzen, eta zounherritan ere, katichima ikhas eraz. Bena horik oro ezdirade jenten enganatzeko baizik, eta errejent edo errejentsak bethi aitzina emaiten die, bere erakaspen gaichtoez erreligionaren itzali erazteko haourren gogoetan. Lana echabaki eginik dela-koz ezta gutiago segur. Bena hanitch badira horri ohartzen eztirenak eta eskola khristietarat bere haoren igorteko herabe dukie ; eta, oro estakuru, erranen die : « Goure herrian eztuzu hullanik ere eskola zuk diozun bezalakoa ; goure jaon errejenta orok maite eta gora edukitzen dien gizouna duzu. Ez-takit badenez bestebat khristiazko eginbider houra bezañ arrahenki jarraikitzen denik. »

Zer arrazou elizate orano, ohoitzak egin eraz ba-

litze halako errejentaren eskolan ! Holako erranari ihárdestia ehi da : Aita amak handizki ogendun dirade, herrian badelarik eskola khristibat hountara ezpadutie bere haorrak igorten. Eitzi kargulantak bere gisa ; bizitzekoaren galtzeko beldurrian Jinko gabeko eskoletarat igorten ahal dutie, bena egiazko khristi badira beharko dutie haoren gogoan sar erazi artha handienareki katichimako erakaspenak. Laborari haboroek ezpeitie hortako arterik batere, beharko dutie kountzentziaz haorrak igori eskola khristietarat. Eta gero, Aita saintiak, aphezkupiek ere, bere guthunetan erran deikie ez behin bena asko aldiz zer mene daduzkan haorrentako eskola jinkogabiak :

« Ikhoustiareki eskolan ihourkerek ezteriola errelijonierik badenez ere aiphatzen, haorrak bere beithan eroanen du : aphezak elizan erranak egiazko balinbadira, zerentako errejentak ezttereizku ezagut erazten ? errelijonia hain gaiza beharra bada, eskolan ikhas ezkinirokia katichima ? »

Egunko haoren ezpiritua aski zorrotz eta erne da holako gogoer ohartzeko. Eta aithortu behar da hori bera aski dela sinhestiaren khordoka erazteko, ez chahu gal erazirik ere.

Mundu hontako bizitziaren houn diren jakitatiak hain ountsa ikhasiko dutie haorrek eskola khristietan noula gobernuko eskoletan. Eta haboro dena, eskola khristietan ikhasiko die egiazko jakitatia, jakitate orotako baliousena, nountik jiten giren, nourat goatzan, eta noulako diren goure eginbidiak Jinkoaren eta lagunen eretzian. Arren khristi guzien eginbide herria da jinkotiar eskolen sustengatzia.

* * *

Etsenplubat. — Ofizierbat, hanitch egitekotan bere buria ederki eduki ziana, eta gehienen laidorioak ez gutiago aldiz merechitu zutiena, erori zen ouhouria

eta bere khorphitzta kolpatzen zian huts handibatetara. Presou ezari zien, haozikatu legen araoera eta azkenian hilzera koundenatu. Berri horren jakitiak jo zeion garrazki bihotza ; houra ordartino hañ aiphaturik, hañ ouhouraturik izana, gaichkigile tzarbat bezala, hilzera kondenaturik. Igourzt eztiro holako akalkia eta chahu duluratzan da. Aoherretan adichkidek eta aphezek boulkatzen die Jinkoaz orhitzera, hari pharkamentu galthatzera eta khristiki hilzera. Bena gor dago aholku houn guzier.

Jinkoak nahi eta gerthuz, aphez arrotz batek hirian ganti igaraitian, jakiten du kondenazione haren berri, eta ofizieraren disposizione tristia. Haren ikhousteko galtho egiten du eta ardiesten ; sartzen da presontegiko gelan.

Aphezaren agertziari zentzordatzen da presounera: hartan ezagutzen du bere gaztearoan zian eskoletako naosibat ; orhitzen da ordunko erakaspenez : « Ah! aita, oihu egiten derio, houlakoa nuzu, jin zitzait salbatzera ; ene buriaz beste egitera nondoaazun, eguruki gabe fusillaturik izatia ene errejimentiaren aitzinian, bena gogoala jin zitazu zouri ardura entzun du dan hitzbat : *momentaneum unde pendet aeternitas*, boulta batetarik dependitzen dela eternitate guzia, eta ordian berian aitziniala agertu zitzaiztat. Jinkoakigorri zutu, entzun nezazu eta ene gaztezaroko gi da izan ondoan, izan zite ene hilzian ene salba erazlia.

Kobesatu zen, Jinkoa ganik eta bere lagunen ganik pharkamentia galthatu zian eta ardietsi ; eta gero bihoztoiki eta khristibatek bezala herioa igourtzi. Horra khristiki eskolaturik izatiak zer deragokan. Ordunko erakaspenez orhitziari zor ukhen zian ofizier harek bere salbatzia. Eta zonbat etsenplu ezta gaztezaroko boulletek herra erazi dienetan, etchen eta eskola khristian ukhen ikhaspen hounez orhiturik, bide hounialat utzuli direnak !





LEGARRAK ETA FRANTZIAKO ZORRA

IGARAN ourtheko armanakian erakoutsi dugu noula gorriek, buruzagituz geroz, erabili dutien Frantziako egitekoak. Bi hitzez arrerraiteko, Frantziako zorra, gerlarik ezgunialarik, handitu da zazpi miliarteza eta budjeta goraturik da gerla denboratik hounat miliarteza beno haboro.

Dugun ikhous orai nountik jiten den budgetaren go-rentze hori. Ezi gorriek bozka aitzinetik zounbat nahi hitzamanik ere ollaskoak errerik zelutik eroriko zaizkula mahañiala, landanko ourthian legarkariak igorri paperak baderagoka legar emendiobat. Legar bilzetan eztie kargulantek ouhouñkeria handirik egiten, eta ez ahal ere. Hañ ountsa chedatu zien legarren biltzia Napoleonek eta haren ondoko bi erregek, noun kargulantbat berhala hatzamanik beita gainti egiten dianian, eta bortchatu ihesiari emaitia, ezpadeza egin ziloa thapa. Kargulant haboroak arren chuchen eta ounest, edo beraortarik, edo ezin bestian.

Bena noun ere hasten beitira gaintiak, ministroek eman manietan da, eta egiten tie haier jarraikiteko *mandat* izunak, ezarten tie sos igorte elibat beste batzien pian. 1884^{an} gobernuko sosetarik phakaturik izan ziren Kochinchinako kargulantzen tchosta erazteko joanerazi zutien phastoral egile elibat. 1886^{an} Granet ministro ohiak bere bidajetan igorri sosak goberniari phakaerazten zutian... echabaki, erran gabe. Ministerio hartan bada kredit bat nekezalen sari, estrena, eta erremedioen phakatzeko. Kredit haren pian sarthu zutian bere hara hounaketan egin gastiak, eta depurtatu chouribatek ountsa erriz leherrazi zutian bere khanberako lagunak hori khountatu zianian phuntuz phuntu.

Eztu aspaldi khanberan salhatu diela noula minis-

trobaten bereterak phaka erazi dian Frantziako sose-tarik ourthebatez egari zutian karrochen sariak ministerioko zerbutchiaren otsez. Eta etzen khountia tchipi : hamazazpi mila libera despendio ourthiare n berbera, hamazazpi mila, zounbat nahi horren sinhestia neke den. Bazen ere egunbat hartan eman erazi beitzutian berrehun eta hirouetan hoge liberaentako *bons* direnak, bethi karrocha sari ! Lotsa zen ara oz houñak higa, edo bestela bere askazi eta adichkidiak karrochaz joan erazten zutian, edo orano karrocha sari alegian, sakolan ezarten zutian sos haietarik haboroak. Egiteko hori okher uduritu beitzere deputatier eta senadorer, errana zen sohazle jaontto hora tribunaliala igorri gei ziela, hartu zutianen utzul erazteko.

Bena, elizate horietarik gaichkia handia ; zerk ere errekan ezariko beikutu goiz edo berant, hao da : Frantzia ezta behar bezala gobernaturik, edo, egiaz mintzatzena, ezta batere gobernaturik. Gorriak buruzagitz geroz, ezta izan finantzako ministrobatek kargiaren bethatzeko houn zenik, geroaz zerbait arrankura eta antsia bazianbat. Oro ari izan dira deputatiek galthatier jarraikiten, ala houn, ala gaichto, majoria-ren beren althe ahalaz edukiteko. Ordian danik ezta izan haboro zor phakatzerik, bena bai thaigabekojesaite.

1877 ourthiaz geroz budjetak oro egin dutie ordu berant, ourthekoa ourthia hasirik zenian ; salbu hatik bozka aitzineko ourthetan. Halaz senadoriak eztazitzen buhurt khanberak houn hartier, beranta zelakoz eta zounbait egnez bortchatu ziren hirour miliartetako budjet haien hountzera !

Jesaitetik hanitz izan da ere. Jesaitiak hor dira, eskoler helzeko, bide egiteko ; bena bethi jesanaz goiti igorri die, eta jesan beharko da denbora luze gabe.

Zounbat sos eztie behargabetarik igorri burduñ bide egiten ! zounbat burduñbide ezta eginik, sosaren intre-

sik ezpeitie emaiten, eta ourthe oroz ezinago khosta beitira! *Freycinet* ministro ohiak haien egitera bildu zutian deputatiak erranez bazatekiala laou miliarten despendioa eta hamar ourtheren barnen egiteko lana zela. Bena eztie herenbat baizik egin eta badakie orai bi etan haboro khostako dela.

Ezta oro hortan. Gorriek bere beithan igaran die : Populia erreligioniarri jarraikitzen bada, kanpoa dukegu ; idoki dizogun erreligionia. Eta egin die eskoletako legia ezpeitu haizu eizten eskoletan ez Jinkorik ez othoizik, ez fraiderik, ez serorarik. Hoien ordari ezartzen dutie errejent eta errejentsa laoetan haboro khosta direnak. Bortchatu dutu goberniak herri hanitch eskola etche berri eraikitera, haboroetan behargabetarik, edo bazelarik jadanik eskola librobat orori laket zena. Bena etzen hoberik : herriek egin tie eskola etche handi eta ederrak, zorretan sarthu lephoaladran, eta ehungerren zounbait haboro ourthekal phakatu beharko dutie.

Kargulantak ere hor dira, legarren goraerazle, hain-beste beitira, eta ountsa khostarik. Orotan kargulantak usuturik. Nourk phakatzen dutu ? Goberniak, bena goure sosetarik. Ministerio berri zounbait bada kargulant hanitchekin, eta ministerio bakhoitzeko gastiak izigarritan gorentu dira. Laborantchako ministerioan berrian bada joanphidetan, gorriak buruzagitzugeroz, hamabi milioutako emendiobat, eta ber houla bestetan. Bada Frantzia orotan miliou eta ehun mila kargulant beno haboro, ezpeitirade segur aizez bizi.

Legar berri izan da, zireneng arhintziaren orde. Ehungerren batez goratu die arrandan gañeko legarra. Fountsetako legarra tchipitu die, bai bera etchaltena goratu eta ororen burian, goberniak khanbio horren medioz hatzamaiten deiku 18 miliou eta erdi, lehen beno haboro. Beste legar zounbait ere erazi die eta berheziki bi errotatako *bicycles* deitzen dutiendetan. Igaran ourthian deputiatiek nahiko zukien hamar-

gerren erdibatez goratu emaitzetako eta ordeñuz ukheiten diren hountarzunetan gañeko thallak ; bena senadoretegian etzien houn hartu. Zounbait deputatu gorrik nahi die orano phaka erazi legar berhezibat hogeitahamar ourthetarik goiti ezkonturik eztirener. Eta menturaz lege hori igaran eraziko die oraiko khanberan !

Deputatu batzu mintzatzen dira khanberan, okherrak chuchentu nahiz. Bena ministroa han da ihardesten deréna : « Eta sosa ? Nountik dukezie ? Holako legarra edo thalla idoki naki duzie. Ounta beno hobeki duzu ; bena noun bilhaturen duzie Duhulian horren idokitiak eginen dian hutsa ! » Deputatu haien elhiak, egiaren aithortzeko, eztirade zerbait khanbio nahi diela uduri erazteko baizik.

Igaran ourthian gobernukoek erran zien laoeta erditako arrandaren aphaltzetik ziren 68 miliouak, fountsetako legarren arhintzeko zaiztekiala. Bena arranda aphaltu beno lehen goberniak iretsirik ziren. Goberniak arrenbekhokereki gezurra zioan. Berantu zian ere ogietan gañeko thallaren berrogei sosez gorentzia. Nour baliatu da berantze horrez ? Ez laborariak, bena bai atze herrietako arrakharderak, sar erazi beitutie hamar miliou kintale ogi aitzineko prezioan. Hortik izan da Duhularen hogei miliou liberaren galtzia, eta hortik ere, heinbatez, oraiogiaren hain merke izatia.

Daigun ourtheko budjeta heltzen da hirour miliart eta 450 miliouetara : oustekeriatan dira jinphidiak aski diratekiala horren burutzeko. Bena jadanik bada ehun eta hogeita hamar miliou eskaz. Arren oraiko legarrak eztira berere aphalturen, bena gisa batez edo bestez haboro phakatu beharko da. Eta berantu gabe goberniak, dioienaz,jesaite handibat eginen du. Eta hola emeki bankarrotila buruz bagoatza.

Horra zertara erazi gutian gorrien buruzagi ukhei- tiak.





1894 DEN OURTHIA



GUZIEN errana da, diala hogeitahamarbat ourthe, etzelarik laborantcha hañ aitzinaturik, laborariet bere egitekoak orai beno hobeki burutzei zutiela. Geroztik tresna muta franko eta hounik asmatu die lanen ehiago eta hobeki egiteko ; ezari die ere laborantchako ministrobat ; laborarentako eskola berheziak egin dutie. Oren burian zertara heltu gira ? Laborariak errekalaturik dira eta geroak deusere hounik ez hitzamaiten. Laborantcha ari da galtzeta, legarrek eta atzeherrietako konkurrentziak leherturik. Erosten dutianak oro khario phakatu behar ; saltzeko dutianak deuserentako kasik eman behar. Etchalten eta fountsen balia herenbatez tchipiturik, basa bazterrak, sarri langilerik gabe, husten ari, eta azken bost ourthe, hountan hirour miliou egoilez aphurturik. Hiriak, edo handi edo tchipi esteiariz betherik, eta bidetan gañen gose jankin eta eskele franko, philda tcharrian dabilzanak.

Ezta segur laborantcha hortan ogendun betheginago denaz geroz, bena bai bi khanberetako majoria, zer nahi hitzamanez geroz laborarien hounetan ezpeitie deusere fountsik egitekoen behar bezala joan erazteko. 1893^{an} eta aorthen, lehentez egari dutugu eskola jinkogabetako erakaspenen ondorioak. Hor dira *anarchistes* deitzen dutien gaichkigiliak, ezpeitira segur oraiko izatiaz kontent. Horra zertara erazten dutian erreligionaren aitziko eskolak. Goberniak nahi ukhendueskoletarik Jinkoaren izena ere ezabatu. Hor diala eskoletan eta zer nahi khasietan erreligionari eman erazi dian gudukaren saria. Eztie ez gaichkigile haiiek Jinkoatan sinheste ahamenik, eztira geroko bitziziaren beldur. Esparantcha hanitch ukhenik mundu hountan berian dohatsu ziratekiela, eta etsiturik, ezpiritu gaichtoak

boulkaturik, jatzartu nahi d'ra ordre houna zuzenez begiratu behar lutukiener. Jujek kondenatu eta hil erazi tie jente chaile, eta etche jaozerazle burhagertu diren bi lehenak. Hirourgerrenbat ezta gutiago izan Carnot errepublikako alkhate gehienaren ehaiteko. Ezdutu gaichkigile horik herioraren hullantziak lotsa erazi : hil dira oraiko izatiaren eta algarren arteko bizitziaren maradikazale eta etsai.

Etzien holakolanik eginen Jinkoatan sinheste ukhen balie. Gaichkigliak, eskola berriak ezariz geroz, ezinago usuturik dira. Eta alkhate gehienetan aiphaturik den batek izkiribatu du izeriturik zela ikhoustez oraiko gaichkigliak oro kasik gazte direla, erdiak beno haboro eztiala hogeい ourtherik ere. Areta gazteriaren eskolatzeko ourthekal igorten die ehun eta lao etan hogeい miliou. Horik oroeskola Jinkogabiaren ondorioak.

Badakigu erai Errepublikako president denak nahi dutiala gainti handienak chuchentu eta gogoeta hounez ariko dela. Bena beldurgira hora beno gothorrago bilha ditian khanberetan. Ezi bada deputatu eta senadore franko gainti chuchenziaren ezpeitira batere arrankura. Gero ikhousiko noula joanen diren egitekoak.



SAN BLASI

SAINTIEN artian ezagutienetarik bat da San Blasi, ez hatik bere bititzeko obrez, bena hil ondoan egin dutian ikhousgarri eta mirakulliez. Mente orotan erakoutsi du bere photere handia Jinkoaren eretzian, eta hortakoz die othoizten bazter guzietan zer nahi beharrunentako. Hanitch lekhutan eraikie dutie elizak haren ouhouretan ; Uskal Herrian ere badu, Ospitale Miserikordian, Ziberoutar -



OSPITALEKO ELIZA

rek ountsa ezagutzen diena. Aspaldi du haren egitiak, milabat outheren ungarunia, zounbaitek dioienaz. Hatsarrian bazen eliza khantian ospitalebat, praoben eta EspaÑalat senthorale joaiten zirenentako. Ez dutie ospitale haren gora beherak hanitch ountsa ezagutzen. Dakiena da fraide elibatek erosi ziela, diala mente eta erdi eta hourak orano hanko buruza-giak zirela Erreboluzione handiaren hatsarrian.

Saintien bizitzia izkiribatu dienek oustekeriatan dira San Blasi sorthu zela Armeniako Sebaste hirian. Bere gazte denboran hanko khristi gorthenetarik bat zela badakie, eta aphezkupetu beno lehen, atcheter edo medezi izanik. Noula hounki hanitch egiten beitzian bere hiritarrer eta, khristien artian ezpeitzen hora beno jakintsiagorik et Jinkoatan harek bezain-bestet sinreste bazianik, Sebasteko aphezkupu zaharra hil zenian, populu guziak San Blasi oihuka galthatu zian haren ordari. Bena sobera maite zian Jinkoa gizonen artian bere biziaren higatzeko.

Behin batez, ihouri ere deus erran gabe, joan zen Arse-deitzen zien oihan handibatetara, eta han haitatu zian egongiatako harpe zilo handibat. Han zegoen egunak eta gaiak othoitzi eta barourik eroaiten zutialarik. Dioie oihaneko basa-ihiziat jiten zeitzola ikhous-terá bere harpiala, eta othoitzetan balinbazen, sargian etzanik egoiten, eta etzirela hantik hurruntzen sain-tiak benedikatu landan baizik.

Ordu hetan Errouman enperadore zen Lizinius, oihan-netan bizi diren basa ihiziat beno kru delagoko gizon-bat. Gogoan hartu zian behar ziala khristien aria eza-ba erazi.

Sebaste hirian bazian bere gogoko zerbutcharibat, Agrikola, Armeniako gobernadoria. Hounek arren, enperadoriaren manier jarraikiteko, atzaman ahala khristi, saldoka presountegietan athetu zutian eta burduñetan ezari. Batetan hil erazteko gogoan eroan zian haien basa ihizer jatera emaitia.

Igorri zutian arren soldado saldobat basa ihizekara hiri ondoko oihanetara. Arseko oihaniala heltu ziren eta hartan sarthu, beitzakien han bazukiela zer atzaman. Huruntto joanik ziren zepho ezartez eta janhari, ihize ziloen aitzinian ; oihan erditara zirenian ikhousi zutien basa ihize, lehou, tigre, hartz eta otso saldo handibat algargana bildurik harpe baten sargiari hullan. Haien artian zen san Blasi, belhariko Jinkoaren othoitzen ari. Ahal bezain zalhe eta herotsik egin gabe utzuli ziren soldadoak eta joan gobernadoriari erraitera zer ikhousi zien.

Agrikolak asmatu zian tropiek ikhousi gizoun hora zounbait khiristi zatekiala, eta berriz igorri zutian haren oundotik, erraiten zerelarik ekhar lezen bereki. Utzuli ziren arren soldadoak Arseko oihaniala eta ederen saintia, berbera aldi hartan. Batek erran zeron : « Nahiz eztakigun ncur eta zer ziren, jin behar zira gourekia ; Agrikola Sebasteko gobernadoriak galthatzen zutu ». — « Hounki jinak ziradiela, ene haorrak ihardesten dere Blasik ; aspaldi hontan galthro horren haidura nintzan. Hots aitzina, Jinkoaren izenian. »

Soldadoz ungaraturik badoelarik, aitziniala agertzen zaio emazte chahar bat nigarretarik erraiten derona : « Aita maitia, urrikari zakio alhargun dohakabebati ; banizun borthako tchipibat, ene hountarzuna oro, eta horra noun otso batek eroan deitan ». — « Emaztia, aphezkupiak ihardesti, ez hola nigarrik egin, eztuzu orano galidia : hor duzula otsoak berak ekhartzen. » Eta hainbestenarekin heltzen da otsoa eta emazte chaharrari houñetan ezarten dero bortakottoa eta gero lasterka ihes egiten oihanialat buruz.

Mirakullu horren berri zalhe ukhen zien Sebaste hirian, eta joan zitzaion Blasiri eriak saldoka : sendoturik utzultzen ziren eta saintiak benedikaturik.

Bikaramenian, Agrikola gobernadoriak Blasi bere aitziniala erakharririk, erran zeron : « Uduritzen zitazu Jinko orophoteretsien adichkide ziradiala eta atse har-

tzan dit zoure ikhoustiari ». Blasik hain sarri arrapostu : « Jinko orophoteretsu eta bethierekoak laguntzitzala, jaon gobernadoria. Begireizu zer ari ziren : ezi adoratzen dutuzun jinkoak ezdutuzu ezspiritu gaitcho edo debriak baizik, eta Jinko egiazkoak detsala, hourak eitzirik sar zitian egiazko erreligionian ! »

Agrikolak aski bazian entzunik. Cheheka erazi zian aphezkupu saintia azote eta makila khalduz eta berriz presountegiala igorri. Blasi, khatietan zelarik, ari zen hara jiten zeitzon jenter hounki egiten, erier osagarria emaitez, bihotzminetan zireneng urgaztez. Agrikolak, zounbait egunen burian, deithu zian bere aitziniala, eta erran : « Haita ezak, Blasi : behar dutuk goure jinkoak adoratu, edo bestela thormentu lazgarrienak igourtzi ». Bena Blasi tink baratu bere sinhestian. Ordian Agrikolak, bolaturik etzialakoz khirsti hora khordoka erazi, ez mehatchiez, ez eta ouhoure hitzamaitez, haren khorpitxian sar erazi zutian burduñazko orraze suian gorritu elibat eta dena chehekerazi hamu handi batziez.

Ezpeitzen hoiegatik hil Blasi, berriz presountegian ezari zien. Hirourgerren aldikozdeithu zian Agrikolak : « Hots, Blasi, zeiolarik, ukhen duk hire beithan sartzeko artia ; eia amiñibat zuhurtu edo ohiko erhoa hizanez. Adora eta jaorets itzak goure jinkoak, bestela ourthoukiko haie hullanian den osin hortan barna ». — « Hi hizalako enuchenta ! ouste duka hire jinko izunak bezañ ezdeus delaene Jinkoa ! Nitzaz egik nahi diana, eztukek hoberik. »

Osiniala egotchi zien Blasi. Bena aphezkupu saintia ebili zen houran gañen, eta zounbait urhats eginik jarri, hour bazterrian zaodener zioalarik : « Ziek, pagano ziradenak, zien jinkoek laguntzarik batere egin badereikezie, egizie nik bezala eta jin ene ondotik ». Horren entzutian, hirouretan hogeitabost gizoun, bere jinko izuner oihu eginik, abiatu ziren houran gañen bere oustez, eta denak han berian itho.

Ordian agertu zeron san Blasiri aingurubat erraiten zeiona : « Jalkhi hadi houretik, Jesus Kristen soldado bihoztoi, eta utzul leihorrialat, hire naosiak zelian begiratzen deian sariaren hartzera. » Botzik abiatu zen hour bazterrari buruz, eta leihorrian heltu bezañ sarri kondenatu zian Agrikolak hiltzera, eta soldadoek lephoa ezpataz mouztu zeroien.

Hiltzerakoan san Blasik othioitu zian Jinkoa, entzun litzan haren artekotarzunaren bidez hersatuko zeitzon khristiak eta eman leitzen galthatuko zutien graziak. Eta Jinkoak ounhetsi zian bere martiraren othoia.

Nounko nahiko jenten artian bada sinhestia houn dela san Blasiri hersatzia zuntzurreko minentako. Errouman berheziki, ama khristiek eroaiten dutie haorrak, haren izenian diren elizetara eta sutzietan olío harturik haor bakhoitzaren zuntzurrian khurutchebat egiten, dioielarik : « San Blasien artekotarzunaz Jinko hounak begira hezala gaitz orotarik. Halabiz ».

Uskal Herrian badira hanitch orano, meza eta othitzet eman erazten dienik san Blasiren ouhouretan, kabalen hounetan. Badira ere galtho gainti egiten die-nik. Hobena da, hebenko aphezbatek aholku emaiten dian bezala. zerbaite galthatzen denian mundu hountako beretako, ez ahaztia arimarentako houn direnak. Houna, urhentzeke, san Blasien ofiziotik idokirik den othoi-zbat :

« O Jinko, houna san Blasi, aphezkupu eta martira, bere thorrentien erdian dohaintu duzuna bathi eta iraipen amiragarri batez, eta bazter guzietan ezagut erazi lagunen eritarzunetarik sendo erazteko eman derozun photeriaz, iguzu grazia, zoure hountarzunian, hora bezala fedian bethi tink egon gitian, eta goure meneunetan ezagut dezagun haren artekotarzunaren indarra. Jesus Krist goure Jaonaz. Halabiz. »





LABORANTCHAZ

I. — Uztak 1894^{an.}

AZKEN ourthia ezinago tchar izan bazen bazkentako, etzutian hain gaizki erabili ereitziak, eta artekotto izan ziren uztak bazter orotan. Aldiz ekhoitzez eta mahatzez bazen gaintika, eta aspaldiko ourthetan etzen ordian bezainbeste ardourik izan, ez eta hañ hounik. Sagar eta udari ardou ere egin zien bietan ourthe hounez ohi egiten den bezanbat. Bena, dioienaz, soberantzia ezpeita deusetan ere houn, agitu da hanitch eretzetan ardoua ezin saldian baratu dela : gaiza tcharra, thupa eskazian behar ukhen bezutien mahastidunek ountzi berriak erosи baliaz gainti. Ardou hobenek hatik erostun bazien, eta aski eijerki saldu tie bena merketto. Egia bada ere, ardou haiiek eztukie kalterik uguruki beharra gatik, joanago eta hobiago bilhatzen direlakoz. Aorthen ardouak oro, hounak bestiak bezala, hobeki salduko dira, gutiago egin beitie eta beharrunen petik.

Haroa desbardin izan da orai artekan : ipharaltian eurizu, eta azken egun hoietan izan da ere uholdi izigarrik ; hegoalteko eretzetan idorte, aldiz, eta ereitziak guneka ezin egin, lurra tinkegi zelakoan. Habroetan hatik egin dutie ereitziak haro hounareki eta sekalia eta ogiak eijerki badoatza.

Egin die aorthenko uzten khountia. Ogi upta mente hountako nasainenetarik izanda, 1874 kotik landan, eta hori, aitzineko ourthez beno gutiago eremu ereñik bazelarik. Bazen, *L'Echo agricole* den gasetak diañaz, 125 miliou eta erdi zakuogi, erran nahibeita bi miliou zaku Frantziako beharrunen gañetik. Aortenko ogia igaranekoa beno arhinago da eta zaku ogiak

phezu du 76 kilo, 1893^{an} bazialarik biga haboro. Goberniaren gasetak beste chifrurik emaiten du ; harek diañaz ezta izan 121 miliou zaku ogi baizik, phezu beitie, bata beste 77 kilo beno haboroche.

Hanitch houn lizate, holako uzta, ezzalira hañaphal ogiaren prezioak. Ezinago beheraturik dira eta ez hobiagoen esparantcharik zounbait hilabetez. Ezi aorthenko uzta beharrunen gañetik da Frantzian, eta bada igaran ourtheko oundar phouskabat eta haboro orano atze herrietarik sar erazi dutienetarik. Hao izkiribatzen dudan egunetan kintale ogiaren prezio gorena da hamazortzi libera, egiten beitu zakiarentako hamahirour libera eta erdiren heña. Prezio hor-tan eztiro mouzkinik egin laborariak, eta ere galzettan ari da. Egia da kabaliak hobekiche saltzen direla eta zerbaite mouzkin emaiten die ; bena gorentze horrek zounbat irañen du ? Bi ourthe hountan zinez abiaturik dira Ameriketarik idi igorten ; egiten deitze orai hañountsa tegiak ountzietan, noun erran beili-rokie idi hourak, bidajetik landan, jiten direla chuchen sorhoetarik, hañbeitira eder eta gizen. Kabale haztiak, hola ari badira indianoak, sarri eztuke ogi egi-tiak beno haboro balia. Eta ezta orotan kabale hazzten. Noun ere ogi ereitzia egiten beitutie gehienik, zer eginen du laborariak ogia galtzeten baizik ezpa-deza sal ?

Mundu orotako ogi uzta heltzen da 859 miliou zaku-tara, igaran ourthian beno haboro 36 miliou zaku, hanitchez beharrunen gañetik, ezpeita hori segur prezioen gora eratzeko.

Beste bihi muten uztak nasai izan dira, salbu sekaliarena, artekotto zena.

Betaraba bazkagei hanitch bazen eta eder. Sukre egitekoek ouste beno haboro eman die, bena eztukie laborariek mouzkin handirik haietarik idokiren, batere egiten badie. Ezi ogiaren antzo sukriaren prezioa ezinago aphalturik da. Kintaliak balio du gorennetik ho-

geita hamar libera, igaran ourthian balio, zialarik hogeita hamazortzi, eta, diala hirour ourthe, berrogeita bost. Halaz betarabak ezdutie merke baizik salzen ahal, eta mouzkinik gabe.

Kalamu eta liho bazen, bena usatu beno gutichago.

Ardou izan da. Pe hoietan lotsa ziren mahatsa ezledin aski hount. Bena mahastidunek uguruki nahi ukhen die berouñen hasteko, eta ountsa heltu zere, ekhia jin delakoz buruilkoko hilabetian, kasik egun oroz. Arren ardou franko eta houn, bena ez hullanik ere igaran ourthian bezanbat. Hartakoz ouste die hobeki salduko dela.

Sagar ardou egin die herenbat igaran ourthian eginaren petik. Mente zian eztziela aorthen bezalako udari uztarik ikhousi.

Belhar eta bazaize hanitch eraiki die ; lur sagar ere bai.

Ziberouko berri. — Igaran ourthian beno haboro lasto izana gatik, ogi gutiago zen, lilitzeko phuntian, lanhotheiak izanez, botia eskaz beitzen, eta udaren hotzegiz ezpeita bihia hazi. Oro boti chazkoaz bostgerren batez gutiago izan da.

Artho goizik ereñak, haro gaichtoa berhala ondotik izanez, nekez sorthu ziren, eta ez net goihentu. Bihia houn eta ountsa zorhitu bazeie, buriak tchipi baratu dira. Berantago ereñak, bertan eta senthoki abiatu ziren gehienik faloutcha izan zen alhorretan, bena zaña orano goihera zien phuntian eta zankhoak ez aski azkarturik, hegoa handibatek, lurrian pallat etzaten zu tiilarik, ondo hanitch haotse dutu. Buruilkoko egunaldi ekhizu eta beroek halere houn egin dere eta ountsa zorhitu dira. Chaz beno bostgerren bat gutiako artho.

Ilharrak haroaren boustiak eta hotzak eztu laguntu ; guti sorthu da, eta dena ez ountsa hazi. Eztie laborriek bildu bere etxalten doiik ere. Lursagar uulta ere tchipi, sagarrak chehe eta ez net sano.

Mahats abio ederra izanik, lanhoek lilitzeko phun-

tian hanitch galerazi die. Ostoaren ederrari sobera fidaturik, zounbaitek eztie berant baizik bitriolstatu aihena, bena ez ordu houn. Ostoa gozik eihartu da mahasti hetan, eta morkhoak erdi hirotu ; baratu bihiak aldiz nekez eta desbardin hountu. Gozik bitriola ezari dienek ukhen die mahats ejerki, berouña houn eta aski nasai. Oro boti, chaz beno erdia gutiago ardou eta guneka ez houn.

Sagar bazen, bena ezta ountsa hazi ; hegoak ere hanitch egotchi du hountu gabetarik. Gaztañak eta intzaorrak, abio ederra izanik, balheiutu lanho egunetan ; zuhaintzen ostoa ere gozik eihartu, eta erori da.

Belhar hanitch izan da ; bena haro hotz eta boustiareki sarthu behar ukhen die, bortu ondoetan berheziki. Aradall guti aldiz, bazka ere halaber.

II. — Lurren utzulziaz.

Laborari hounaren lehen antzia biz lurren, alhorren ountsa utzulzian. Lan horri behar bezala lotzen ezte-na hutsian arida. *Gaichki lurra erabilten vaduk*, dio Italiako erran zahar batek, *sordeis dukek hantik erakia*. Egia hori hañ ehi da enthelegatzen, noun aoher belizate aiphatzia. Eta haregatik, houna lohitibat, handi betzaio ikhoustia bere ereitziak arteko jiten, alhorrok hanitch ountsa goroztatu landan. Nountik hori? Ardurenik lurrak eztirelakoz aski erabilirik izan, edo gaichki utzulirik izan direlakoz, orobat beita.

Utzulziak airatzen eta trenkatzen du lurra, ezarten aidiari eta ekhiari phara eta belhar gaichto orotarik chahatzen. Lur trenkatian, lantharen zañak hedatzen dira, fresk egoiten, lur gordinian beno hobekiago ; eta holaz ereitziak bigourtzez eta gorentzez joaiten. Lurren utzulikatziak eta airer phara ezartiak hountzen tiala ezta dudatzeko ; hala noula behinere erabilirik

izan eztiren lurak beitiago mentez deusere eman gabe.

Larrazkenian edo negian lurren utzulziak net ekhoizpen daduka, zeren luzaz beitaode kharroer eta airer phara ; eta alhorren berazanetan phaosatzera eiztiak eluke balio handirik, lurra ezpaledi usu erabil. Lurbati indar emaiteko behar dira arren kharroak eta airiak sartu luherabiliaren zolalano, eta horik eztiteike hel baizik eta lurraren ountsa goldenabarkatzez.

Laborantcharen etsai handienak eta bethikoak direnak dirade belhar gaichtoak. Laborari aiphatubatek zioan belhar gaichtobatek ithotzen diala hirour ogiarpa eta sartzen laorgerrenaren ordari : deus ezta hori beno egiagorik. Hedatzen da belhar gaichtoa eta bizitzen ereitzer ezari hounkallien khostuz. Ourthe euri-zietan berheziki, boustitarzun soberabat jin erazten duogi ondoetara eta holaz eror erazten alhorretan, ogiak bere gora doia egin gabe. Hartakoz laborriak, thaigabeko gudukabat egin behar du belhar gaichtoer.

Alhorren chahu izatetik ageri da laborari houna ; eta Bujault, laborari aiphatubat izan denak, zioan belhar gaichtoa eta laborari lazia ber ariatik direla.

Lurrak ountsa utzulirik izateko, behardu zabal bezain barna ildoak hartu. Ezta aski ildo-en bardin egitia eta achalaren ordo ezartia ; behar da orano zola ere bardin erabili. Miskandiek, lanaren bertanago egitia gatik, ildoa hartzen die zounbait aldiz goldenabarrek irall ahal beno handiago : gisa hortara aritzez ildarte egiten eta lurra gaichki utzulzen. Zounbait aldiz agitzen dena da ere, ildo bastart egitia, eztelakoz aski gothorki etcheki golde nabarra ; erran nahidugu batian goihoregi, bestian barnegi lurrak eztiala behar utzuli, bestela ereitzek sendituko diela lan gaizki egite hori.

Zer barnagoatan utzulziak egin behar dira ? Ezta deus chuchenik hortako, zeren lurraren zimentiak eta

ereitzek hori egin behar beetie. Bena bada kasik orotan enjogidurabat, erakarten gutiana goiheratik lurren utzulzera. Oustekerian da ere laboraria barnatik utzuli lurrak sobera gorotz edo hounkallu behar diala, bai eta ere lur zolan lo diren belharrak achaiala erakharten eta han sor erazten dutiala.

Arrazou tcharrak horik oro, gordatzeko goiheratik eta endeski egin lanaren. Nour ere oustekerian beita houn dela eta irabaz bide lurren achaletik utzulez, tronpatzen da segur, zeren jiten bada ourthe idortebat, han gaichki joanen dira ogia eta bestelakoak, lurra emeki emeki mehatuko, eta laborariak ororen burian bere kapitala galduren.

Luherabiliak arren, mehatzez joaiteko ordutan, behardu aitzitik emeki emeki barnatzez lanthu, eta hortako ourthe oroz erhibat edo bigat lur gordinetik acharialat idoki Hola aritezze bai naosia, bai eta etchezaña ountsa jalkhiko dira. Goiheratik utzulzien egitia ezta houn belhar gaichtoen gal erazteko baizik, ondotik barnago utzuliko delakoan. Arhiaz, arrasediaz edo kharrakazalia (*scarificateur*) den tresnez lan hori egitez aldiz, eztate hobiaigo baizik.

Argiari eta airiari phara dagoenian lurra, bertan houn bilhatzen da, beretzen dutilarik *gaz ammoniacaux* deitzen diren sustantzia, lantharen edertzeko hain beharrak direnak. Haier esker, ereñen zañak nasaiki hedaturen dira barnatik erabilirik izan den lurrian, eta idortek ezteragokeie damurik han ereñik diraktekin hazier, haboroziaz boustitek, zeren boustitar-zun soberakina egonen beita lur barnan lantharen zañak beno beherago.

Atze herribatetako laborari aiphatiarik batek, M. Rull denak, alegatzen du hamabi ourthez arround ber lurrian ogi eraiki ukhen diala goldenabar eta arhiaren lan bakharrari esker; ber gisan Anglaterran Schmitek ere luzaz, zounbait ourthez arround ber lurrian eraiki du ogi uzta ederrik lanen ountsa

eta usu egitez, batere gorotzik gabe. Horik hola dire-naz geroz, gogoan hartu behar dugu lurren emeki emeki barnatzia hanitch ekhoizpen badagokala.

Bena elizatekia hobe batbatetan luherabiliaren ahal bezain barnatik utzultzia ? Bai eta ez, noulako ere beita lurraren zimentzia. Ziberouko elgetan, bate-tan utzultzia barnatzen ahal dira gorotz emendiorik gabe ; bena patarretan edo saihestietan, eta Uskal Herriko lur haboroak halako dira, ezta lurra uhaitzek kharreiatu belza uduri ; patarretan diot lurra holli eta mehe dela, eta zolako harrien eta lurraren uduriko, ezpada hounkallien medioz khanbiaturik. Eta alhor, bestiak ez bezalako zonbaitetan salbu, saihestietan utzulzien barnatzia behar date gorotz haboro ezari, lur gordinetik achalialat idokiaren araoka, lur gordina hount eta ereitzen hartzeko heñian jar artino. Hogei zantimetra, edo zehe houn batetan barna utzul-zena usaturik den lurrak galtzen du lur gordina na-hastekatzez ehun etarik hirourgerrena gizenduratik, eta horra zertako utzulze barnek behar diren izan zinez eta aosarki goroztaturik, elgetarik kanpoko lur-retan.

Lurraren barnatzeko bidiak oro eztira hortan zer-ratzen : bada orano beste beniabat haren medioz lur-rak barnatzen ahal beitira gutiago gastureki, gorotza eskaz balinbada. Houra da goldenabarren oundotik ikherzialia (*la fouilleuse*) den tresnaren egartia. Tresna horrek, goldetik landan ilderrekan erabiltez, barnatik eraozten du zolako lur gordina achalialat idoki gabe, eta holaz eskusatzen gorotz emendio ezartetik, lur gordina beitago achalekoareki nahaste-katu gabe.

III. — Laboraribaten egiteko.

Bada erranbat, mentez eta orai ere kourri dabilana, beitio, laborari izateko nour nahi houn eta aski jaki-

tant dela. Elhe mehe hori ez goratik erranik ere Uskal Herrian, ezta gutiago egia jente hanitcheek gogoan eroaiten diela hori hala dela.

Eztu aspaldi, Frantziako laborari aiphatien biltzarren batetan erranik izan dela, ikhertziak arthoski eginik hortako, egunko gazteriak, *certificat d'études primaires* denbat irabaziz geroz, eztiala deus besterik gogoan, baizik eta notari edo abokatu bereter edo izkiribaño izatia, edo errejent eta errejentsa ; ouste diela laborari higatzeko sobera badakiela, eta etchekoен flakeziarekin batian, ofizio erdi aoher horietan biziko direla ountsaz ehiago eziaz lur lanetan.

Ez, gazteria goresten eta hanitch maite zutieguna, oustekeriatan baziradie jakitantegiz laborari izateko ; oustebaduzie ofizio gutiziatzen dutuzien horietan zien etchekoek edo laborantchan beno dohatsiago biziren ziradiela, bidez gainti bazoazte. Eta burian ountsa har ezazie beste erran hao, lehena beno egiatikagoa dena : laboraria bethi aperendiz dela, eta geroago eta haborroago bethi ikhasi eta jakin behar diala.

Bena, aitzina mintza beno lehen, dugun algar enthelega. Ezta aski berbera eskolaturik izatia laborari houn baten egiteko ; ezta aski gela edo khanberabatetan libru zounbait irakourt, eta haier so, laborantchako egitekoen joan eraztia. Behar da orano abisiari eta nour berak egin lanari hersatu, erran behar du ihourk bere beithari : Zer ekhoizpen dukek hola aritez ? zer-tako hola egiten duk, eta noula hobeki egin laite ?

Dudagabe da badela asko laborari batere eskolarik edo librieta koko jakitaterik gabe, egun orozko lanaz eta abisiaz, erranen duta ere, denbora khostuz, hanitch ountsa laborantcha joan erazi eta hanitch ikhasi die-nik. Bena ber laborari hoiek, izan balia hatsarretik zerbaitek eskolareki, ountsaz aperendiz denbora llaburrago lukeien, eta enia ouste, gutiagoreki heltu litzakiala jakitate doi den heñiala.

Ez erran arren, gizoun gazte maitia, zoure buriari,

laborari izateko sobera badakizula ; elhe horrek ogen ekhar leikezu. Ezi laborantchak, beste zer nahi ofizio mutak beno haboro, eskola edo jakitate galthatzen dizu. Nahi duzia ikhous dezagun hori hola denez ?

Houna etchaltebat lur eremubat, zouri buruz dena eta lanthu behar duzuna. Nahi baduzu ekhoizpen ejerrik jaozerazi, behar duzu etchalte haren, lur haren kalitaria zer den ezagutu eta ez berbera luherabili edo achalaren kalitaria, bena orano aldepeko lurrarena, eta horra zertako laboraribat izan behar den trebaturik lurren ezagutzian.

Zoure lurretan ezarriko diren ereitzek ediren behar ditiketzie ountsa joaiten eta laket zaizken hounkalliak. Hortakoz laborariak behar du jakin heinbatetan *chimie* den ezagutzia.

Zoure etchaltian kabale suberte orotarik badukezu : borthako, zaldi, behi, ahari, ardi, idi eta besterik. Haien bizitzeko eta osagarri hounian etchekitzeko zer bizigarri behar dien, eta zer soeñ eman behar zeren jakiteko, horra zeren laborariak jakin behar dian beterinergoa khochibat.

Lanen ountsa eta bertanago egiteko behar duzu tresna muta orotarik : ogi ereiteko, ogi joiteko, mahats zaphatzeko, tinkatzeko, sagar ardou egiteko, lurren behar bezala erabilteko, goldenabar berri eta beste hanitch orano. Hoien jakin arao erosteko eta egarteko khordoka erazi gabe, horra zerentako laborariak jakin behar dian mekanika.

Eztizugu erranen laborariak horik oro jakin behar dutiala gizoun sabant eta aiphu handitakoek bezala, bena eztuzu gutiago egia ezagutze horik hein batetan ukhen behar dutiala laborariak.

Eta, azkenekoz, laborariaren nekatiak bere mañataren edo familiaren bizierazteko eta gero, ahal bada, zerbaite diharuren intresian edo galzabatetan ezarteko egiten beitira, noula jakin zerk haboroenik emaiten deron bere ereitzetan edo kabaletan, ezpadu ihourk

khountukabat etchekiten ? Ezta khountuka hori nahi bezala egiten ; behar dira jinphidiak eta joanphidiak chuchen izkiribuz ezari : haietarik ageriko beita, egunez egun, zertan diren etchalteko egitekoak. Khountukatzen arren jakin behar.

Zounbat orano ezta beste jakiteria laboriari doatzanak, eta armanak tchipi hountan, leku faltan, mentsi ezin ditirogianak ? haien ororen ikhasteko ezpelizate sobera gizoun zentzudun eta eskola handitakobat.

Arren gizon gaztia, ez lotsa izan, *certificat* bat duzulakoz, laboraritzeko sobera, ezi aski ere, badakizula. Laborari tchipiak, erran gabe doazu, eztukiala laborari handiak bezain beste jakitate beharrik ; bena egunko egunian, egitekoetan burutan joaitekoz, handiek eta tchipiek ezagutziak argiturik izan behar dizie, deus hounik egitekoz. Gudu arren hatsarrian aiphatu dugun erran mehe, ororen artian ouhouragarri eta beharrenik den estatu hortarik sobera gazte zeihar erazten dianari. Houn lizate hirietako moutiko gazte, usiegi ezdeus bilhakatzen direnak, laborantchari doatzañer tchestu har baleze. Halaz elizate Frantzian ikhous-ten den bezanbat esteiari eta gosejankinik.



ISTORIA ETA ERASI

HENRIK laorgerrena, errege aiphatia, printze handi bezain gerlakari zen. Bazutian bere armadetako aitzindarietan bera bezalakoak, eta, haien artian, Crillon marechala lehen lehena zen. Aldibatez kortian zelarik Crillon houra jaon arrotz eta enbachadore elibateki, Henrik, hari buruz joanik, jozeron souin buria eta erran orok entzuteko gisan :

« Hao duziela, jaonak, Frantziako gerlakari handiena. » — « Gezurra diozu, bestiak hain sarri ihardesti, jaon erregia, zeren zu beitzira egiazki mente hountako gerlakari hobena. »

**

Ber erregia igaraiten zen herri tchipibat etan ; hanko jaonskot elibat jin zeitzon, ordian mouda zen bezala, hounki jinezko pherediku baten egitera. Haietarik bat bere pheredikian ari zelarik, hullanian ziren hirour edo lao asto orroaz hasi : « Jaonak, ordian erregiak, elhez asetucherik beitzen, ez oro batetan mintza, lakhet bazaizie, bestela ezin entzun zitzakiet. » Hartan ur-hentu zen solaza.

**

Uda egun batez, Turenne jeneral aiphatia, bero handia beitzen, souñekoa idokirik, leihoaunkunkurturik zegoen, kanpoalat soz. Haren mithiletarik bat, sarthurik khanberan, ouste beitzian leihokoa sukhalteko langiletarik bat zela, hullantu zeron emeki eta eman iphourdin gañen zaflakobat, bena ochena. Turenne utzultzen da berhala. Mithilak ikhousten du buruzagia zela, eta harriturik belharikatzen da haren aitzinian : « Ah! jaona, pharka izadazu ; ouste nizun Batista zinela. » — « Eta Batista izanik ere, Turennek arrapostu, gibelaldia hazkatzen zialarik, ehian hain zinez jo behar. »

**

Jaoregibatetako kozinera, eztakit zerentako, dudagabe gaichki gobernatzen zelakoz, etcheko anderiak kanpo ezari zian. Joan zen aizoala eta kan galthatu zeren eia etzianez dolurik galdu lekhiaz : « Eztit ez dolurik batere, harek arrapostu, hanko tchakurraren baizik, ountziak oro chahatzen beitzeitzan. »

**

Ouhouñbat bazen behin, tribunaliala deithurik : « Hots, holakoa, erraiten dero alkhate gehienak baduzia besterik erraiteko zoure hounetan ? » — « Bai,

jaona, hitzbat berbera ». — « Errazu, arren » — « Jaon presidenta, esparantza dit ikhoustate amiñibat badukezula enetako ; ezi zazpi gerren aldia dizu badudala zuk jujaturik izateko ouhouria. »

* *

Pariseko jaonbat paseiun zelarik hiri handi hartako ungarunetan, bathu zian ulhañ emaztebat behibaten bazkatzen bide bazterrian : « Eta zouria deia behi hori, emaztettoa ? » — « Bai, jaona. » — « Eta houna ? » — « Houna denez eia ! bai segur ; emaiten ditadazut egunkal hamar khotchuska ezne ». — « Eztuzu beste behirik hori baizik ? » — « Ah jaona, zerbait duzu batten ere hantzia. » — « Gourhirik egiten duzia ? » — « O, hatik, ez ; eznia saltzen dit ». — « Eta zounbat ezne saltzen duzu ? » — « Haratche, hounatche, hamabost edo hamazortiz khotchuska egunian. » Jaonak aski bazian entzunik, eta joan zen egniaren khountia bere beithan egiten zialarik.

* *

Hor nounbait, basa bazter batetako erretorra baza bilan goizik, argia beno lehen, hirilat buruz, merkhatu egunaren biharamenian. Bide khurutchadabat gainti igaraiteen zelarik hurrunian uduritu zaion zerbait igitzen, eta hasperen ere entzun zian. Zer othe zate kian ikhousi beharrez, hullantu zen emekiñi. Gizon bat zen han hedallo, igi aldiskal marrakaz. « Errazu, adichkidia, erraiten dero aphezak, zer duzu arren ; trenpu tcharrian ziradiala uduri zitazu ? » — « Heee ? » — « Eri zirenez deizut galthatzen. » — « To, debrioa ! zu zizena, jaon erretora ? Pharka eza dazu, ezpazutut lehen aldian ezagutu. Eztit deusere zankhoak berere ahultucherik. Ez halere erhokeria handirik eginik.... bena badakizu, jaona..... » — « Bai, Pette, bai ! españoul hori soberache azkar.... » — « Ez jaona. Ezi frantzesak orai artino bethi etcherat eroan nizu, eta hounek heben eitzi. »

MAIATZA edo EPHAILA
Eg. luzatzen dira oren eta laordenez

- ① l. l. 2ⁿ, goizanko 3^{or} eta 53 min
 ② a. o. 9ⁿ, gaiherdi eta 8 min.
 ③ a. l. 16ⁿ, arratseko 5^{or} eta 53 min
 ④ a. b. 24ⁿ, eguerdi eta 56 min.
 ⑤ l. l. 31ⁿ, goizanko 8^{or} eta 58 min

ARRAMAIATZA edo BAGILA
Eg. luz. dira oren eta 1/4, 22^a drano.

- ⑥ a. o. 7ⁿ, goizanko, 11^{or} eta 9 min
 ⑦ a. l. 15ⁿ, goizanko 11^{or} eta 37 min
 ⑧ a. b. 22ⁿ, arratseko 10^{or} etan.
 ⑨ l. l. 29ⁿ, arrastiriko 20^r eta 10 min

1	Astizken.	J. Filipe et. Jak. Ap.	1	Neskanegun.	s. Kler.
2	Ostegun.	s. Atanasi.	2	Igante.	PENTEKOSTE.
3	Ostirale.	Da Khurutze.	3	Astelehen.	s ^a Klotilda.
4	Neskanegun.	sa Monika.	4	Asteharte.	s. Frantzes K.
5	Igante. 3.	s. Pio V.	5	Astiz. IV Th. B.	s. Bonifazi.
6	Astelehen.	J. Johane, Eb. B.L.	6	Ostegun.	s. Norbert.
7	Asteharte.	s. Stanizlaz.	7	Ost. IV Th. B.	s. Majan.
8	Astizken.	J. Migel. agert.	8	Nesk. IV Th. B.	s. Medart.
9	Ostegun.	s. Gregori, na.	9	Igante. 1.	TRINITATE.
10	Ostirale.	s. Antoneñ.	10	Astelehen.	s ^a Margarita.
11	Neskanegun.	s. Orienz.	11	Asteharte.	J. BARNABE, ap.
12	Igante. 4.	s. Nere eta Akil.	12	Astizken.	s. Johane Fag.
13	Astelehen.	s. Jenio.	13	Ostegun.	BESTABERRI.
14	Asteharte.	Johane Sala d.	14	Ostirale.	s. Basila.
15	Astizken.	s. Eutrope.	15	Neskanegun.	s ^a Jermena.
16	Ostegun.	s. Johane Nep.	16	Igante. 2.	s. Frantzes R.
17	Ostirale.	s. Paskal.	17	Astelehen.	s. Avit.
18	Neskanegun.	s. Venanzio.	18	Asteharte.	s ^a Marina.
19	Igante. 5.	sa Pud. nzieno.	19	Astizken.	s. Jervasi eta Prot.
20	Astelehen.	s. Bernardeñ.	20	Ostegun.	s ^a Juliana Falk.
21	Asteharte.	s. Petiri Zel.	21	Ostirale.	J. BIHOTZ SAK.
22	Astizken.	sa Kiteria.	22	Neskanegun.	s. Pauleñ.
23	Ostegun.	SALBATORE	23	Igante. 3.	s. Eusebio.
24	Ostirale.	A. B. Lagunzalia.	24	Astelehen.	J. JOHANE BA.
25	Neskanegun.	s. Gregori VII.	25	Asteharte.	s. Eurosia.
26	Igante.	s. Filipe Neri.	26	Astizken.	s. Johane eta Paule.
27	Astelehen.	s. M. Mad. P.	27	Ostegun.	s. Prosper.
28	Asteharte.	s. Agosti.	28	Ostirale.	s. Irene.
29	Astizken.	s. Garzia.	29	Neskanegun.	J. PETIRI P.
30	Ostegun.	s. Felis.	30	Igante. 4.	J. Phaoleren orh.
31	Ostirale.	sa Anjela.			

UZTAILA

Egunak llaburtzen dira oren 1ez.

+++

- ⌚ a.o. 6ⁿ, arratseko 11^{or} eta 11^m.
- ⌚ a.l. 15ⁿ, goizanko 3^{or} eta 41^m.
- ⌚ a.b. 22ⁿ, goizanko 5^{or} eta 41^m.
- ⌚ l.l. 28ⁿ, arratseko 8^{or} eta 45^m.

AGORRILA

Egunak llaburtzen dira oren 1 1/2

+++

- ⌚ a.o. 5ⁿ, arrastiriko 20^{or} etaan.
- ⌚ a.l. 13ⁿ, arrastiriko 5^{or} eta 28^m
- ⌚ a.b. 20ⁿ, arrastiriko 1^{or} eta 5^m.
- ⌚ l.l. 27ⁿ, goizanko 5^{or} eta 53^m.

1 Astelehen.	s. Tierri.	1 Ostegun.	J. Petiri katietan.
2 Asteharte.	A. B. BISITAZ.	2 Ostirale.	s. Alfonzo Lig.
3 Astizken.	s. Gillen.	3 Neskanegun.	J. Ezteber. edir.
4 Ostegun.	s. Leon II.	4 Igante. 9.	s. Dominiche.
5 Ostirale.	s. Zirile.	5 Astelehen.	A.B. M. Elbur.
6 Neskanegun.	s. Trankile.	6 Asteharte.	J. K. Transfig.
7 Igante. 5.	Jes. Odol. Pr.	7 Astizken.	s. Kajetan.
8 Astelehen.	sa Beronika	8 Ostegun.	s. Ziriako.
9 Asteharte.	sa Elisabet, p.	9 Ostirale.	s. Jermeñi.
10 Astizken.	Zazpi anaie m.	10 Neskanegun.	s. Laorenz, m.
11 Ostegun.	s. Pio.	11 Igante. 10.	s. Tiburze.
12 Ostirale.	S. Johane Galb.	12 Astelehen.	sa Klara.
13 Neskanegun.	s. Anaklet.	13 Asteharte.	sa Radegonda.
14 Igante. 6.	s. Bonaventura	14 Astizken.	s. Eusebi.
15 Astelehen.	s. Johane Maj.	15 Ostegun.	A.D.M. MARIA Zel.
16 Asteharte.	A.D.M. KARM.	16 Ostirale.	s. Rok.
17 Astizken.	s. Aletsis.	17 Neskanegun.	sa Emilia.
18 Ostegun.	s. Kamille.	18 Igante. 11.	s. Joakim.
19 Ostirale.	s. Bizente Paolo.	19 Astelehen.	s. Filomena.
20 Neskanegun.	s. Filibert.	20 Asteharte.	s. Bernat.
21 Igante. 7.	sa Pratseda.	21 Astizken.	s. Julien, Lesk.
22 Astelehen	sa M. Maidalena	22 Ostegun.	s. Ipolita.
23 Asteharte.	s. Apolinari.	23 Ostirale.	s. Filipe Ben.
24 Astizken.	s. Henrik.	24 Neskanegun.	J. BARTOL., a.
25 Ostegun.	J. JAKOBE, ap.	25 Igante. 12.	A. B. Bihotzs.
26 Ostirale.	sa Aña.	26 Astelehen.	s. Louis, erreg.
27 Neskanegun.	s. Galatori.	27 Asteharte.	s. Jusef. Kal.
28 Igante. 8.	s. Nazari eta Zeize.	28 Astizken.	s. Agosti.
29 Astelehen.	sa Marta.	29 Ostegun.	J. Joh Lephom.
30 Asteharte.	s. Abdon.	30 Ostirale	sa Rosa Lima.
31 Astizken.	s. Iñazio Loyola.	31 Neskanegun.	s. Remoun N.



BURUILA edo SETEMER

Eg. llaburtzen dira or. 1 eta 3/4 ez.



Ⓐ a.o. 4ⁿ, goizanko 6^{or} eta 5^{min}.

Ⓕ a.l. 12ⁿ, goizanko 5 oreñ etan.

Ⓜ a.b. 18ⁿ, arratseko 9^{or} eta 5^{min}.

Ⓓ l.l. 25ⁿ, arratseko 6^{or} eta 32^{min}.

URRIETA

Eg. llaburtzen dira oren 1 eta erdiz.



Ⓐ a.o. 3ⁿ, arratseko 10^{or} eta 57^{min}.

Ⓕ a.l. 11ⁿ, arrastiriko 2^{or} eta 44^{min}

Ⓜ a.b. 18ⁿ, goizanko 6^{or} eta 19^{min}.

Ⓓ l.l. 25ⁿ, goizanko 11^{or} eta 13^{min}.

I	Igante. 13.	s. <i>Bizente, ap.m.</i>	1	Asteharte.	s. Remi.
2	Astelehen.	s. Eztebe, erreg	2	Astizken.	<i>Ainguru Begir.</i>
3	Asteharte.	s. Lizier.	3	Ostegun.	s. Exupero.
4	Astizken.	s. Franz.Chant	4	Ostirale.	s. Frantz, As.
5	Ostegun.	s. Laorenz J.	5	Neskanegun.	s. Venzeslaz.
6	Ostirale.	s. Onesifore.	6	Igante. 18.	ARRUSARIOA
7	Neskanegun.	s. Zebero.	7	Astelehen.	s. Fide.
8	Igante. 14.	A.B. <i>SORTZIA.</i>	8	Asteharte.	s. Birjita.
9	Astelehen.	s. Omer.	9	Astizken.	s. Denis.
10	Asteharte.	s. Nikolas.	10	Ostegun.	s. FrantzesBor.
11	Astizken.	s. Hiazinte.	11	Ostirale.	s. Sabina.
12	Ostegun.	s. Gi.	12	Neskanegun.	s. Dominna.
13	Ostirale.	s. Eujenia.	13	Igante. 19.	<i>A.B. Amatarz.</i>
14	Neskanegun.	Dña. <i>Khurutze.</i>	14	Astelehen.	s. Kalista.
15	Igante. 15.	A. B. <i>Izen Saint.</i>	15	Asteharte.	s. Teresa.
16	Astelehen.	s. Zipriēn.	16	Astizken.	s. Bertran.
17	Asteharte.	s. Franz. Zaor.	17	Ostegun.	s. Edvije.
18	Astizk. <i>IV Th.B.</i>	s. Josef Kup.	18	Ostirale.	J. Luk Ebanj.
19	Ostegun.	s. Janvier.	19	Neskanegun.	s. Grat. Olor.
20	Ostir. <i>IV Th.B.</i>	s. Eustache.	20	Igante. 20.	<i>A.B. Garbitarz</i>
21	Nesk. <i>IV Th.B.</i>	J. MATHIU, Eb.	21	Astelehen.	s. Ursula.
22	Igante. 16.	A. B. DOLOR.	22	Asteharte.	s. Petiri, Alk.
23	Astelehen.	s. Rekla.	23	Astizken.	s. Leotade.
24	Asteharte.	A.B. <i>Librazalia</i>	24	Ostegun.	s. Rafael, ark.
25	Astizken.	s. Austinde.	25	Ostirale.	s. Krespin.
26	Ostegun.	s. Tomas Vill.	26	Neskanegun.	s. Evarista.
27	Ostirale.	s. Kosme eta Dam.	27	Igante. 21.	<i>A. B. Patron.</i>
28	Neskanegun.	s. Fauste.	28	Astelehen.	J. SIMOUN, ap.
29	Igante. 17.	J. MIGEL, ark.	29	Asteharte.	s. Eusebia.
30	Astelehen.	s. Jeronimo.	30	Astizken.	s. Kazieñ.
			31	Ostegun.	s. Zirizio.



AZAROA edo GOROTZILA
Egunak llaburten dira orenez.

+++


- (1) a. o. 2ⁿ, arrastiriko 3^{or} eta 28^m
- (2) a. l. 9ⁿ, arratseko 11^{or} eta 16^m
- (3) a. b. 16ⁿ, arrastiriko 5^{or} eta 21^m
- (4) l. l. 24ⁿ, goizanko 7^{or} eta 28^m

ABENTIA edo NEGILA

Eg. llaburten dira 27^{min}, 22^{no}.

+++

- (1) a. o. 2ⁿ, goizanko 6^{or} eta 48^m
- (2) a. l. 9ⁿ, goizanko 7^{or} eta 19^m
- (3) a. b. 16ⁿ, goizanko 6^{or} eta 39^m
- (4) l. l. 24ⁿ, goizanko 5^{or} eta 31^m
- (5) a. o. 31ⁿ, arratseko 8^{or} eta 40^m



1 Ostirale.	DONISANTORE.	I Igante.	ABENTUKO 1 ^a
2 Neskanegun.	Purg. Arimak.	2 Astelehen.	s ^a Bibiana.
3 Igante. 22.	Errelikia sk	3 Asteharte.	s. Frantzes Xab.
4 Astelehen.	s. Charles Bor.	4 Astizken.	s ^a Barbara.
5 Asteharte.	s. Zakaria.	5 Ostegun.	s. Sabas.
6 Astizken.	s. Léonart.	6 Ostirale.	s. Nikolas.
7 Ostegun.	s. Florent.	7 Neskanegun.	s. Anbrosi.
8 Ostirale.	4 Martirak.	8 Ig. Abent. 2 ^a .	A. B. KONZEP.
9 Neskanegun.	s. Teodoro.	9 Astelehen.	s. Jeronze.
10 Igante. 23.	ELIZEN SAKR.	10 Asteharte.	s ^a Eulalia.
11 Astelehen.	J. MARTINE.	11 Astizken.	s. Daniel.
12 Asteharte.	s. Stanislaz K.	12 Ostegun.	s. Melkiade
13 Astizken.	s. Didazi.	13 Ostirale.	s ^a Luzia.
14 Ostegun.	s. Josafat.	14 Neskanegun.	s. Arzene.
15 Ostirale.	s ^a Jertruda.	15 Igante.	Abentuko 3 ^a .
16 Neskanegun.	s. Edmon.	16 Astelehen.	s. Euzebio.
17 Igante. 24.	s. Gregori T.	17 Asteharte.	s. Lazaro.
18 Astelehen.	s. Odon.	18 Astiz. IV Th. B.	s. Gazien.
19 Asteharte.	s ^a Elisabet Hg.	19 Ostegun.	s. Urbeñ.
20 Astizken.	s. Félix, Valesi.	20 Ostir. IV Th. B.	s ^a Julia.
21 Ostegun.	A. B. Eskentzia	21 Nesk. IV Th. B.	J. TOMAS, Ap.
22 Ostirale.	s ^a Zezila.	22 Igante.	Abentuko 4 ^a .
23 Neskanegun.	s. Klement.	23 Astelehen.	s. Onorat.
24 Igante. 25.	s. Johane Kh.	24 Asteharte.	s ^a Delfina.
25 Astelehen.	s ^a Katalina.	25 Astizken.	EGUBERRI.
26 Asteharte.	s. Petiri, Al.	26 Ostegun.	J. EZTEBE, m.
27 Astizken.	s. Virjile.	27 Ostirale.	J. JOHANE, Eb.
28 Ostegun.	s. Maurino.	28 Neskanegun.	Haor Inoz.
29 Ostirale.	s. Saturnino.	29 Igante.	s. Tomas, Kant.
30 Neskanegun.	J. ANDREU, Ap.	30 Astelehen.	s. Manzuet.
		31 Asteharte.	s. Silbestre,

OURTHEKO HAROAK :

BEDATSIA hasten da martchoko	20 ^{an.}
UDA hasten da arramaiatzeko	21 ^{an.}
LARRAZKENA hasten da buruilako	23 ^{an.}
NEGIA hasten da abentuko	22 ^{an.}

MERKHATIAK ETA FEIRAK EDO BAKHIAK

MAOULEN : m., asteharte oroz ; f., buruilako 6ⁿ. — ATHAR-RATZEN : m., astelehenez, amoustetik ; f., Phentekoste biharamenian eta Donisantore ondoko astelehenian. — DONA JOANE GARAZIN : m., asteleh. amous. ; f., Bazko eta Phentekoste ondoko astehartia. — DONA PALEUN : m., ostir., amoust. ; f., Bazko ondoko ostegunian, eta abentuko 26ⁿ. — GARRUZEN : m., ostir. amoust. ; f., agorrila 1ⁿ eta azaroko lehen astizkenian. — IRISARIN : m., neskaneg., amoust., f., baranthall. 3ⁿ eta aphiril. 15ⁿ. — HAZPARNEN : m., asteh. amoust. ; f., Bazko ondoko astizk. — IZOURAN : m., asteh. amoust. — NAVARENKOSEN : m., astizk. ; f., Erramu aitzineko astizkn, eta abentn 8ⁿ. — ORTHEZEN : m., asteh. ; f., martchoko eta urrietako lehen astehn. — OLOROUN : m., ostir, eta asteh. ; f., maiatz. 1ⁿ; eta burrulln 8ⁿ, hirour eg. — PAOBEN : m., astel. eta osteg., f., Gorozum. lehen astelehn, eta Jaondona Martinez, 8 eg. — SALIESEN : m., ostegunez ; f., baranth. heren astizkn eta urrietako asken ostegunian.





Edirengia

I.	Aita Saintiaren erakaspenak.....	65
II.	Jaoen Esponda, aphezkupia.....	67
III.	Eskola khiristiak.....	70
IV.	Legarrak eta Frantziako zorra.....	74
V.	1894 den ourthia.....	78
VI.	San Blasi.....	79
VII.	Laborantchaz :	
1 ^{ik}	Ustak 1894 ^{an}	85
2 ^{ik}	Lurren utzulzia.....	88
3 ^{ik}	Laborari baten egiteko.....	91
VIII.	Istoria eta erasi	94

